


Intréye : (musique di J. Berthier)

Binôche di vos r'trouvêr din vosse môjo Sègneûr, èl jwè èt dins nos keûrs, vos bras drouvus pour nous. Binôche di vos r'trouvêr din vosse môjo Sègneûr, prèsse a nos r'mète su pîd, vos ratindéz d'avant l'uche.



Kyriyé : (musique di Claude Tourneur)

Sègneûr, pitié por nos ! Sègneûr, pitié por nos !
Ô Cris, pitié por nos ! Ô Cris, pitié por nos !
Sègneûr, pitié por nos ! Sègneûr, pitié por nos !

Gloriya : (musique di Claude Tourneur)

Glwère au Bon Diè jusqu'au Ciél ! Pés aus omes di bone volonté !

Lècture du lîve d'Amos.

Choûtèz bén çouçi, vos-ôtes qui spotchént èl pôve pou distrûre lès p' titès djins, dins l' payis. Pasqui vos d' jéz: "Va-t-èl' Bén råde ièsse oute, èl fièsse d' èl nouvele leune, qui nos pouvîche dalér vinde no grin ? Quand n' pârl' ra-t-on pus du sabbat, pou nos' ôtes nos fér quite di no fromint ? Nos dalons comptér pus strwèt, rôssî lès pris èyèt lèyî trin-nér nos dwègts su l' balance... Avè wére di liârds, nos pourons ach' tér l' maleureû. El minâbe si léra prinde avou ène vîye pére di savates. Nos lyi vindrons d' jusqu' a tous lès rèstants !" El Sègneûr l' a adjuré: "Dji n' rouviyrai jamé toutes leus mèchanç' tès".

Tchant après lècture : (musique : mélodie do XVI^e)

Nos v'lan ttchanter vosse nom Sègneûr et l'aprinde à nos frères. Li solia qui r'lût dins nos coeûrs va tchèssi nos misères.

Preumière lète di Sint Paul a Timothée.

Dji n'èl diré jamé d' trop: quand vos dijèz vos priyères, i vo fôt d' mandér èyèt dire mèrci pou tertous, pou lès céns qui nos min-ne-nut, lès céns qui pôrt' nut l' dosséye. Pou qui nos pouvîches vikî sins brût èyèt sins misère, dins l' drwète vòye, a l' môde dès djins. Çoulà, c' è-st-ène vréye priyère qu' èl Bon Djè, no Sauveû, choûtreut voltî, li qui vout nos scapér tertous èt nos fér conèche èl vèritè. Pasqui-n-d' a qu' iun, d' Bon Djè: c' èst Jésus Christ, in-ome qu' a doné s' vîye pou tertous. Il a fé çoula èl djoû qui ç' asteut scrî. Vos pouvèz m' crwère, c' èst pou donér s' mèsådje qu' on m' a èvoui dire èl vèritè èyèt tout çu qu' i fôt crwère dins lès payis qui n' èl conèch' nut nèn. Dji voureus tant qui, di tous lès costès, lès djins dirî-nt leûs priyères an l' vant leûs mwins ô ciél, avè rèspect, Bén paujèr' mint èt sins mwéjes pinséyes padrî leû tièsse.

Alleluia, Alleluia, Alleluia !

Causez Sègneûr vos djins sont là pou choûter vosse mèsådje.



Evanjîle de Jésus Christ selon sint Luc

Jésus dijeut a sès dissipes: Iun qu' aveut branmint dès liârds fèyeut tène les côrdias de s' boûsse pa iun qui ç' asteut s' mèstî: in gèrant. In djoû, on vént lyî dire qu' èl gèrant fèyeut valsér sès liârds. Il l' fér v' nu èyèt lyi dit: "Qwè-ç' qui dj' ètind dire su vo dos? Vo dalèz m' rinde vos comptes. Et ôdjoûrdu pou dmwin, vo n' min-n' rèz pu mès afères."

L' ôte sondje dins li-min-me: "Qwè-ç' qui dj' va fér si dji n' pous pus travayî pou l' mèsse? Dalér fouyî? Dji n' mi de sîns nèn l' fôrce...Dalér bribèr? Dji sreus onteûs...Dji l' sé Bén, tîns, çu qui dj' va fér pou trouvêr ène place quand dji s' ré su l' pavéye..."

Adon, I fét v' nu tous lès céns qui sont mârquîs a l' crôye dins sès papîs. I d' mande ô preumî: "Qwès d' vèz ô mèsse?" "Cint tonia d' wîle" "Tènèz, v' là vo papî, abîye, achîdèz-vous è scrîvèz cénquante."

Après, i d' mande a in-ôte:

"Èyèt vous, combén lyi d' vèz-vous?" "Mi, c' èst cint satches di fromint" "Pèrdèz vo papî, èt mètèz quatre-vingt."

V' la qu' a ç' t' eûre, èl mèsse pôrte èl gèrant malonète ôs nûwes! C' èst Bén vré qui s' a moustrè fôrt malén! Pasqui lès èfants di ç' monde-çi sont Bén pus maléns qui lès èfants d' èl lumière... C' èst mi qui vos l' dit: fèyèz-vous dès soçons avè lès liârds, èt quand i-n' d' ara pus, vos dirèz ô Paradis!

El cén qu' on pout s' fiyî a li pou èn' pètitte afère, on poua s' fiyî pou èn' grande. El cén qui vos atrape pou dès fafiotes, i n' vos manqu' ra nèn quand ça s' ra pou ène saqwè qui de vôt l' pwène. Si on dwèt s' mèfiyî d' vous pou saquants liârds, quî sfiy' reut a vous an vos donant l' vréye ritchèsse ? Et si on n' a nèn poulu s' fiyî a vous pou prinde sogne dès afères di ç' monde-çi, qui ç' qui vos don' reut lès cènes qui vos r' vèn-nut?

In dômetique ni pout nèn chèrvu deûs mèsses. I va mô vîre èl preumî, èyèt vîre voltî l' ôte, ou Bén l' contrère. Pou vos-ôtes, c' èst l' min-me: vos n' pourèz jamé chèrvu lès liârds èyèt l' Bon Djè.

Credo : (musique di Claude Tourneur)

dji cwès, dji cwès, djic wès ! Dji cwès en vo Sègneûr !

Lu : Sègneur, î gn-a qu'Vo qu'est Dieu.
Eyet no l'crwèyons di toutes nos Fôces.
Vos Estez no Pa èt l'monde est dins vos mwains.
C'est Vo qu'a tout fé, tout çu qu'on wèt et tout çu qu'on n'wèt né. (R/)

Nos n'voulons awè qu'in Mésse, Jésus-Christ.
C'est Lî qu'a v'nu pou nos scaper.
Pou nos-z'autes, Il est mwart çu'n crwès.
Min l'trwèzième djou, com' c'estè scri, Il a raviqué, Il est asteur dins toute èl fôce di s'glwère ! (R/)

Dji crwè au Sint-Esprit qui nos done èl vie.
Avou l'Pa eyèt s'Fi, Il èst adoré
Dji crwès dins l'Egliche qu'est fête po tous les djins qui l'baptême a rachté.
Dji crwè qu'in djou les mwârts rivèront, èyet dji ratind l'timps qu'avè yeusse nos continuwrons a viki. (R/)

Prière universelle : (musique di Claude Tourneur)

c'ess't'in grand djou Sègneûr, acordez nos priyères !

Tchant d'offertoire : (musique di J. Akepsimas - Harmonisation di Claude Tourneur)

Rivière-ti roter su nos pisintes, candji noss' coeur di pire ? Rivière-ti pwârter à totes les djins li bonté li lumîre ?

Sanctus : (musique di Claude Tourneur)

Sint , trwès côps Sint vosse nom Sègneûr, Bon Diè et Maîsse d'el univers !
Sint ,trwès côps Sint vosse nom Sègneûr, Ôsana ! Ôsana !
Li stwèli èt l'tère sont rimplis d'vos glwère. Ôsana ! Ôsana !
béni l'cé qui vé au nom do Sègneûr. Ôsana ! Ôsana _

Anamnejhe : (musique di Claude Tourneur)

Dins li grandeûr di s'n'amoûr, Jésus a v'nu d'lé nous.
Dins li bonté di s'n'amoûr pou no scaper tètous.
Dins li douceûr di s'n'amoûr, il a souffri pour nous.
Dins li grandeûr di s'n'amour, il est môrt pou tertous.

Agnus : (musique di Claude Tourneur)

Jésus Cris, Vos, l'Fi du Bon Diè qu'as pris l'dosséye di nos péchés, pitié por nos ! Pitié por nos !(bis)
Jésus Cris, Vos, l'Fi du Bon Diè qu'as pris l'dosséye di nos péchés, donez-nos l'pés ! donez-nos l'pés.

Comunion : (paroles et musique di G. Nicolas - Harmonisation di Claude Tourneur)

Quand on a du bouneûr à doner, quand on a du soya à taper, quand on a in sourîre, éne tchanson ou ben n'fleûgrn'a n'saquè qui chaûpîye dins no keûr. Quand on r'loye çu qu'on a disloyi, quand on r'dresse çu qu'on a aflachi, quand li minme on pârdone après qu'on a souffri, c'est l'amoûr qui vént nos souladjî.

Li Tchant des Walons : (Paroles di T. Bovy - Musique di L Hillier)

Nos estans firs di nosse pitite patreye Ca lådje et long, on djâze di ses efants.
Å prumî rang on l' mete po l' industreye Et dvins les ârts ele riglatix hostant.
Nosse tere est ptite, mins nos avans l' ritchesse Des omes sincieus k' anoblixhèt leu nom.
Et nos avans des libertés timpeste: Vola pocwè k' on-z est fir d'esse Walon !(bis)

Pitit payis, vos k' a tant d' grandeu d' âme, Nos vos inmans bén, sins k' nos l' breyanxhetothôt.
Cwand on vs kidjâze, âsouys montèt nos lâmes Et nos sintans nosse cour bate a gros côps !
N' âyîz nolesogne et vikez e liyesse, Di vos efants, les bresses et l' cour sont bons.
Et nos avans les tchveas foirt près del tiesse: Vola pocwè k' on-z est fir d'esse Walon ! (bis)

♥Dimanche 17 novembre à 10h45' messe chantée en latin
♥Dimanche 24 novembre à 10h45' messe de Sainte Cécile
♥Dimanche 15 décembre à 15h30' Concert de Noël La Barcarolle

